

vit, item plerique parochi, adeo nullam Christianae doctrinae cognitionem habent, ut dicere etiam pudeat. Quid hic Christo respondebitis Episcopi, quibus illa cura est divinitus demandata? Vos enim estis, quibus vel solis illa Christianae religionis calamitas debetur. Vos permisistis ita turpiter errare homines; vestra ea est culpa, qui nihil minus unquam fecistis, quam hoc, quod vestri officii erat facere. Nolo hic quicquam mali vobis imprecari. Ea autem annon est summa impietas cum maxima impudentia conjuncta, quod unicam tantum speciem Sacramenti ac vestras traditiones urgetis, hoc prorsus contemnitis & negligitis, an illi, qui vestrae fidei & curae commendati sunt, orationem Dominicam, Symbolum Apostolicum aut Decalogum teneant, nec ne? *Vae, vae Vobis.* Per Deum igitur omnes vos parochos & concionatores rogo atque obtestor, ut serio vestrum faciatis officium, & ut divinitus vobis commendatae plebis agatis curam. Quod cum rectissime feceritis, si una nobiscum hunc Catechismum vulgo, praesertim autem junioribus, inculcetis. Haec Lutherus, cum Scholarum Ecclesiarumque, ut ipsemet loquitur, visitatorem ageret, de temporum suorum barbarie, quae tum plebs rosque Doctores aequae ac auditores, in his provinciis occuparat, passim ingeminat. Sed aliter fieri nequit, cum aut minus idonei docendi muneri admoventur, aut, qui rebus praesunt, in officio sibi divinitus demandato negligenter versantur, & nec ipsi, quid ad fidem & salutem obtinen-

tinen-